

SESS ⚡ BIKER ⚡ NEWS



***** KW30/2021 ***** **DER REDAKTEUR & VWF ISCH JEZ „67“** *****

Des isch unglücklich, kaum bisch 3ehalb Jahr in Rente, no bisch scho **67** ☺ Aber war a guade Rentnerzeit bis jez !

◀ Direkt am Geburtstag bin i mit da Rosy in **Biergarde** gange zum Mittagessen, richtig deftig schwäbisch, i hab Kässhbäzle gnomme un Rosy a Ofekartoffel. Nadierlich a **Woize** dazua dases au guad noderrutscht ☺ A Weile schbäder seme dann gemeinsam zum a Cafe in da Nähe gfahre und habed uns noch **Kaffee un Kuache** ▶

gönnt. Daheim hama dann schbäder noch a Desser gnomme und zum Abschluß noch en fezzige Absacker ☺ ☺ Die **Große Party** war dann am Samschdich, do isches dann richtig zur Sache gange: zerscht **Sektempfang**, nadierlich ned nur oimol, weil die Gäscht kommed jo ned uf oimol. Danach gabs Kaffee und Kuache bis zum Abwinke.



Dann hat da Sohneman (Andy) da **Grill** in angriff gnomme. **Berge von Fleisch, Wurschd un Speck** drufpackt Der hat schaffe misse wia a **Brunnebuzzer**, aber er hats gschaftt alle satt zu bekomme. Alle habe sich prächtig underhalte un un koinem isch langweilig worde. Zum Schluß muß i dann wie immer no alle meine **Gschenkle auspacke** damit au jeder sieht was i alles bekomme hab. Bis die Auspackerei dann fertig war wars scho gege 11e zua und langsam sin dann wieder alle ufbroche zum Hoimgange. En schener Nachmittag/ Obend ging dem Ende zua, Danke noch an alle.

***** Impfmeeting bei Sonja *****

Am 7. Juli habe Rosy un i noch unsre **2. Coronaimpfung** in Aalen erhalten. Anschließend sema zur Sonja nach SHA gfahre zum Mittagessen, später dann Kaffee un Kuache, und zum nochspülen no ein **Paulaner** ▶ Ach ja, hät i fasch vergesse, übernachtet habe mir au bei da Sonja, weil die hod am nächschde Tag ihre 1. Impfung ghabd, do sollte ma sie begleite, weil sie ned sicher war, ob se die Impfung ned flach legt. Dofiar sema aber dann am Obend (7.7.) noch zum **Stammtisch** gange in Weiß-

▶ bach zum Pasca. Griechische Spezialitäten und deutsches Bier passt guad zamme. Do kannsch unters Vordach size un bisch trotzdem im Biergarde. Do hab i dann au mol mitte in Woch Schdammdisch gmacht, war **super coooooool** ☺ ☺

Der Redaktör hat nowas : weils jo in da ledschde 2 Woche nix aufregends über oder mit Mobeds zu berichte gibd, hab i jez halt wieder mol Familiensage weiterschriebe. Ich denk wenn des Wetter wieder trockener wird, stande wieder meh Bikerstory's in da **SBN**.

Mir sin **XUND** und fertig geimpft!!

Eure (immer noch) **VWF** *Rosy & Joe*

27. Juli 2021

Ausgabe 13